

NOVEMBRIS

Die 8 Novembris

Omnium Sanctorum Ecclesiae Hierosolymitanæ Festum

Ant. ad introitum

Hebr. 12, 22-23

Accessistis ad Civitatem Dei vivētis, Ierusalem cælestem,
et Ecclesiam primogenitorum qui conscripti sunt in
cælis.

Collecta

Tribue, quæsumus, omnipotens Deus,
omnes Sanctos, quos nostra ferventius veneratur Ecclesia,
fraterna nobis intercessione iuvare,
ut quorum intuēmur exitum conversationis, fidem imitemur.
Per Dōminum.

LECTIO PRIOR

«*Ecce ego declinabo super Ierusalem quasi fluvium pacis*»

Lectio libri Isaïæ prophætæ

66, 10-14 c

Lætāmini cum Ierusalem et exultate in ea, omnes qui
diligitis eam; gaudete cum ea gaudio, universi qui lugētis su-
per eam.

Ut sugātis et repleāmini ab ubere consolationis eius,
ut mulgeātis et deliciis affluātis ex ubēribus glōriæ eius.

Quia hæc dicit Dōminus: «*Ecce ego dirigam ad eam*

quasi flúvium pacem et quasi torrémentem inundántem glóriam géntium.

Sugétis, ad úbera portabímini, et super génuā blandiéntur vobis. Quómo si quem mater consolátur ita ego consolábor vos; et in Ierúsalem consolabímini.

Vidébitis et gáudébit cor vestrum, et ossa vestra quasi herba germinábunt, et manifestábitur manus Dómini in servis eius».

Verbum Dómini.

PSALMUS RESPONSORIUS

Tob 13, 10-15; 17-19 (R. cf 18)

R̄. Beáti qui díligunt Ierúsalem.

1 Benedícite Dóminum, omnes elécti eius.
ágite dies lætítiæ et confitémini illi.
Ierúsalem, civitas Dei,
castigávit te Dóminus in opéribus mánuum tuárum. R̄.

2 Confítère Dómino in bonis tuis, et bédedic Deum sæculórum;
ut reædífcet in te tabernáculum suum
et révocet ad te omnes captívos,
et gáudeas in ómnia sæcula sæculórum. R̄.

3 Luce spléndida fulgébis,
et omnes fines terræ adorábunt te.
Natiónes ex longínquo ad te vénient,
et múnera deferéntes adorábunt in te Dóminum. R̄.

4 Et terram tuam in sanctificatióem habébunt,
nomen enim magnum invocábunt in te.

Tu autem lætáberis in filiis tuis,
quóniam omnes bédicéntur
et congregabúntur ad Dóminum. R̄.

5 Beáti omnes qui díligunt te,
et qui gaudent super pace tua.
Anima mea, bédedic Dóminum,
quóniam liberávit Ierúsalem civitátem suam
a cunctis tribulatióibus eius, Dóminus Deus noster. R̄.

ALLELUIA

Mt 5, 12

R̄. Alleluia V̄. Gaudéte et exultáte, quóniam merces vestra copiósa est in cælis. R̄. Alleluia.

EVANGELIUM

«Beati pauperes spiritu»

✠ Lectio sancti Evangélii secúndum Matthæum 5, 1-12

In illo témpore :

Videns Iesus turbas, ascéndit in montem; et cum sedisset, accessérunt ad eum discípuli eius; et apériens os suum docébat eos dicens:

Beáti páuperes spírítu, quóniam ipsórum est Regnum cælórum.

Beáti qui lugent, quóniam ipsi consolabúntur.

Beáti mites, quóniam ipsi possidébunt terram.

Beáti qui esúriunt et sítiunt iustítiam, quóniam ipsi saturabúntur.

Beáti misericórdes, quia ipsi misericórdiam consequéntur.

Beáti mundo corde, quóniam ipsi Deum vidébunt.

Beáti pacífici, quóniam filii Dei vocabúntur.

Beáti qui persecutiónem patiúntur propter iustítiam, quóniam ipsórum est Regnum cælórum.

Beáti estis cum maledíxerint vobis et persecúti vos fuerint et díxerint omne malum advérsus vos, mentiéntes, propter me; gaudéte et exsultáte, quóniam merces vestra copiósa est in cælis.

Verbum Dómini.

Super oblata

Placábilem te nobis reddat, Dómine,
et præsens oblátio,
et omnium intercéssio nostræ Ecclesiæ Sanctórum;
ut illórum qui iam de sua immortalitáte secúri,
adhuc de nostra salúte sunt sollíciti, concíves esse mereámur
Per Christum.

Praefatio

- ℣. Dóminus vobiscum.
℞. Et cum spiritu tuo.
℣. Sursum corda.
℞. Habémus ad Dóminum.
℣. Gratias agámus Dómino Deo nostro.
℞. Dignum et iustum est.

Vere dignum et iustum est, aequum et salutáre,
nos tibi, semper et ubíque grátias ágere:
Dómine, sancte Pater, omnípotens ætérne Deus:
Nobis enim hódie civitátem tuam tribuis celebráre,
quæ mater nostra est cælestísque Ierúsalem,
ubi fratrum nostrórum iam te in ætérnum coróna colláudat.

Ad quam peregríni, per fidem accedéntes, alácrité festinámus,
congaudéntes de Ecclésiæ sublímiú gloriificatióne membrórum,
quæ simul fragilitáti nostræ adiuvénta et exémpa concédís.

Et ídeo, cum ipsórum Angelorúmque frequéntia,
una te magnificámus laudis voce clamántes:

Sanctus, Sanctus, Sanctus...

Ant. ad communionem

Act 1, 8

Accipiétis virtútem superveniénte Sancto Spíritu in vos,
et éritis mihi testes et in Ierúsalem
et in omni Iudæa et Samaría
et usque ad últimum terræ.

Post communionem

Dómine, Deus omnípotens, quem unum sanctum adorámus,
fac nos vítali cum cælitibus consórtio confidéntes,
in sanctificatiónis via ita prógredi,
ut ex hac mensa peregrinántium
ad perénne transeámus patriæ convívium.
Per Christum.